

四  
書  
稗  
疏

翁允廿有二季湘潭  
王氏守遺經書屋刊  
允緒十有三季潞河  
啖柘山房精校重刊

四書稗疏目錄 附考異

卷一 船山遺書一百四十八

大學 壹是 綠竹 寔能容之 豚 罟獲陷阱

衽金革 正鵠 三年之喪 祖廟宗廟 貨財殖焉

禮儀威儀 道竝行 千乘之國 子禽 北辰

子奚不爲政 灌 奧竈 公冶長 乘桴浮海 千

室之邑 山節藻梲 左丘明 老彭 司敗 誅

三以天下讓 三分天下有其二 子路使門人爲臣

九夷 寢衣 食飴而餽 割不正 不撤薑食

東首 三嗅而作 長府 有社稷焉 浴乎沂 徹

冪盥舟 溝瀆之中 諒陰 鄭聲 匏瓜 五穀

不分 區以別矣 予小子履

卷二 船山遺書一百四十九

萬乘之國 尊鍾 殼觶 疾首蹙頞 明堂 禍寬

博 夫里之布 蹶者 而勿正 三里之城七里之

郭 兼金百鎰 葬於魯 成覲 夏后氏五十而貢

三句 饗殮 蠅蚋姑嘬之 牲殺 亳葛 今茲

泮水 爲高必因丘陵二句 涕出而女於吳 滄浪

之水 北海 東海 辟艸萊任土地 負夏 畢郢

王者之迹熄 五世 羿 子思居於衛 崇山

百姓如喪考妣 箕山 外丙二年仲壬四年 司城

貞子 君十卿祿 百畝之糞 費惠公 殺越人

牯亡 狼疾 趙孟 曹交 膠鬲 血之流杵 衫

衣 殺人父兄 丘民 棧題數尺

考異 船山遺書一百五十

八十六條

四書稗疏卷一

船山遺書

明衡陽王夫之撰

大學

大學 禮記釋文大舊音泰劉音直帶反杜佑通典自注云大學爲上庠大讀如泰程子從劉昌宗讀按大小太少古通用如大宰一曰太宰小宰一曰少宰之類不以老稚巨細分也大學之對小學而得名雖程朱未之易也小學爲童子之學大學爲成人之學是小學爲少學而大學爲太學矣又天子之學曰太學對鄉國而言也而章句序云自天子之元子至凡民之俊秀皆入大學又爲天子之學審也旣對小學而名大又爲天子教胄之學奚爲不可讀

如秦字章句云大人之學也不知所謂大人者何指如以爲明新之業異於洒埽應對進退之所教者名爲大人則亦以天子之學及成人之所學而名大介是亦太少之義如與周易孟子所言者同義是以德而言與小人爲對者也大學爲充實光輝大人之所學豈小學爲險陂私謁之小人所學乎如與左傳大人患失而惑之大人同義則以位而言亦與小人爲對者也大學爲王公大人之所學豈小學爲寒賤小人之所學乎皆不可通當從舊音爲是豈是章句云一切也以一訓壹則以是爲切矣乃一對兩而言壹專壹也各自有義其用壹貳等十字施之公移以防欺竄自秦漢始然或云自唐起而經傳中如鄭伯貳

於楚則見其參於前也

俗作參尤非

相子肆祀一日而三失伍

大陸既作椅桐梓漆

柴即漆之譌

報之以瓊玖以纓拾矢可也

捌字經傳中無之惟字書以為無齒把

多用本義少相通假然壹貳參伍四

字墳籍中間有通一二三五者則以一訓壹猶可若訓是

為切實所罕聞壹是之解自當以鄭注專行是為確是目

致知至平天下七事言自天子至庶人專壹學是七事而

七事皆以修身為本

此庶人乃大學中之俊秀備以為異日之卿貳者自當以家國天下之務

為己任非田野農夫之比

言壹是者欲其專正業也言皆以修身為本

者欲其知序也語皆有旨若以壹是為一切則既云一切

又云皆非贅詞乎

綠竹 綠王芻竹 蒿蓄王芻 一名藍艸 可以染綠 蒿蓄一

名蓄辯可以療虻有水陸二種其以綠爲竹色者非竹色  
在蒼碧之間非綠也小注引河渠書漢武帝伐淇園之竹  
證此綠竹爲竹夫自西周至漢殆將千年能保此水濱之  
弱植於六國秦項之餘乎竹六十年而籜故有千歲之木  
無千歲之竹鄧今無林敖今無粟若邪之溪今無銅安得  
指漢竹爲周竹哉或小注但以證淇川之產竹耳若徒證  
其產竹則水經注引詩毛傳及漢武寇恂之事而下繫之  
曰今通望淇川無復此物惟王芻編艸不異毛興獨不可  
以證淇川之產此二艸乎是則莊子使同乎我者證之之  
說也要之以綠竹爲二艸毛韓之舊訓韓詩竹作薄  
薄水蒨莛也以竹  
非綠盤之色有目所共睹師古訓察物色庶乎其不差矣

寔能容之 寔丞職切音植是也與實字音義俱異寔能容之孔氏疏之曰寔是也若能好賢如此是能有所包容寔不能容孔氏疏之曰若此被賢之人是不能容納極爲明瞭乃或以爲虛實之實非矣寔能容之可云非虛假容賢寔不能容可云非虛假媚嫉乎說文云寔止也止當卽是之譌

豚 豕彘豚三者之同異傳註家畧以爲易知而未之辨後亦未繇辨之今人概呼爲豬然豬固有家豬野豬之別左傳僂封豕長蛇野豬也豕三歲曰豨詩竝驅從兩豨兮亦野豬也孟子云狗彘食人食家豬也然禮牛羊豕爲牢詩執豕于牢爾雅豕所寢曰槽則又以家豬爲豕史記上

幸上林有彘突入則抑以野豬爲彘今按家豬有兩種其  
長喙大耳高足厚皮食艸而羶者雖爲家畜其類本自野  
豬來則與野豬同名爲豕一名爲彘若其喙短耳小足庫  
皮薄馴擾而不能大故許慎曰豚小豕也南人養豚子或  
豚則能肥而不能大故許慎曰豚小豕也南人養豚子或  
稍令長大北人則及小而飽飼之兩三月而肥全體烝而  
食之陽貨饋孔子蒸豚是也今淮泗亳宿閒所牧豬逐水  
艸而食宿亦殆與野豬無別皆豕彘也世或不知以豕子  
爲豚不知豕豚殊類豕子方小在爾雅自名爲豬豚雖長  
大不名爲豕故孟子雞豚狗彘旣言豚又言彘不嫌複也  
鄭志張逸問曰豕生三日豨不知母豕也豚也答曰豚也

是鄭氏以豚豕爲二種又一證也

中庸

罟獲陷阱 章句以罟爲網獲爲機檻陷阱爲阬坎實則四字各爲一義罟獸網也兔罟謂之罟以遮其身麋罟謂之罟以冒其頭兔罟謂之罟以繫其足皆罟也獲阱之淺而施柞鄂者阱阱之深而不施柞鄂者皆穿地爲之陷當讀爲檻聲相近也植木交加如羊豕圈置羊豕其中誘虎狼入機發機閉以生致之其小者置雞鴨可閉豺狸今俗尚謂之陷

衽金革 章句云衽席也倪氏辨之以爲衣衽而史伯璿非之伯璿誤矣按方言襍謂之衽郭璞注衣襟也或曰裳

際也張揖以爲褥又曰袖也並無席義藝文中有言衽席者言坐而攤之於衽臥則在席使衽卽席文不贅乎禮稱上衽扱衽皆以襟言唯請衽何趾鄭氏以爲臥席扱君子臥不裸寢必有衣襟當裳際者近足故請衽所向斯爲趾矣弟子職云問正所蒸切何趾正足也或言衽或言正皆以身下言之衽爲裳際明矣衽金革言以金革爲襟蓋謂甲爾披堅則執銳執銳則致死戰士之服也若以金革爲席而臥其上亦奚所用之哉又引句踐枕戈爲證愈爲支離或疑古無金甲然考之管子曰葛盧之山發而出水金從之蚩尤受而制之以爲劍鎧又曰弛弓脫鈇說文鈇臂鎧也是古有金甲之明證

正鵠 射的張布謂之侯侯中者謂之鵠鵠中者謂之正  
正方二尺正中者謂之棊棊方六寸此據侯道五十弓者爲言天子諸  
侯之侯用皮大夫以下用布鵠則皆革也正者當鵠之中  
畫之也棲鵠者旣張侯乃安置鵠於侯中如鳥之棲於木  
也正與鵠非二物鵠中畫處卽爲正爾天子諸侯之侯純  
皮無布大夫以下之布侯鵠必以革布之上棲革革之中  
不更安布正或作鳴鳴鵠皆小鳥而鳴尤微細以正鵠名  
棲革者取其命中之難以矜巧耳凡此皆言獸侯也若皮  
侯五采之侯惟天子之元士以上始有之而其正鵠猶是  
但棲與屬之異耳集註畫布曰正棲皮曰鵠說本後鄭與  
此異殆非是

三年之喪 三年之喪非卽父母之喪也父母之喪三年而三年之喪不盡於父母諸侯於天子大夫士於國君嫡孫承重爲祖父母繼立者爲先君父爲嫡長子天子爲后太甲宅憂居桐宮服仲王之喪爲叔父也春秋傳王一歲而有三年之喪二焉謂后與世子也故曰達乎天子然其飲食居處衣服之制則有差殺故僅曰達父母之喪哭踊倚廬苴麻飭鬻則天子與庶人無別故曰無貴賤一也章句未悉

祖廟宗廟 章句云祖廟天子七諸侯五大夫三適士二官師一備紀廟制而不恤本文之言祖也祖有功宗有德始封者必爲祖則唯七廟五廟三廟者爲有祖廟二廟則

一王考一考而一廟唯有禰廟不得稱祖矣本文言祖固以該禰然言祖以該禰乃就天子下推之而不可竟謂二廟一廟爲祖廟也抑文因義起各有攸當下云宗廟之禮若以祖廟推之則專指有德之宗若殷三宗之類然武王周公之世文武二世室未立何得云宗此言宗者言合大宗小宗於廟中也在廷則雖同姓必以爵序在廟則以宗序宗者所以統同類別者也故曰宗廟之禮所以序昭穆宗禮行於廟中在太廟則以大宗序同姓在羣廟則以小宗序所出者之子孫也羣廟以小宗序所出者之子孫則袒免以外皆從乎賓矣此大宗小宗之別爲一義而不同於祖功宗德之說也章句云有事於太廟則羣昭羣穆咸

在而不失其倫是誤以宗為祖宗之宗而抑混宗廟於祖廟勿惑乎俗儒之泥太廟之文分春秋修其祖廟為時享宗廟之禮為祫祭於夢中說夢也

貨財殖焉 錢貝曰貨 說文下者貨貝而寶龜周而有泉

貝與 穀帛曰財 禮記納財注謂食穀也先財而後若小注

謂珠璣琇瑁之屬則寶藏也非貨財也 寶者貨之重者黃

藏者五庫之所藏金鐵皮革筋角齒羽箭幹脂膠丹漆是也 貨財非水所產殖蕃也言

舟楫載運繇之而蕃也陸道分歧而輦載四出水程合非則棲泊同歸故史記以富商大賈為貨殖非謂水之能產

貨財也

禮儀威儀 章句謂禮儀經禮威儀曲禮小注云經禮如

士冠禮諸侯冠禮天子冠禮之類曲禮如始加再加三加之類則積曲成經分經爲曲於文贅矣藉然經禮亦無三百也蓋禮儀者周官之典也威儀者五禮之儀也周官三百六十舉其槩而言之爲三百五禮以配五刑五刑之屬三千五禮之屬亦然所謂出乎禮人乎刑也謂之威儀者五禮以進退容止爲本漢人謂之爲容異於周官治教政刑之以事不以文也

本孔疏

道竝行 天道有東西南北四行地有四游日有南北二陸往來於赤道月有九道出入乎黃道皆所謂道也天道四行而四時成黃道九道分而日月相代其不相悖者如天左旋日月右轉而日月必隨天以左日遲月速而合朔

必有邇月必受日之光而無相背久晦之事也

論語

千乘之國 按周制四井為邑四邑為邱四邱為甸甸方

八里旁加一里方十里為成一成之地提封百井三分去

一六十四井而出長轂一乘 荀三十六井鄭氏以為治漁

城池邑居國術 孟子言公侯之地方百里則提封萬井

僅得戎車百乘 包注依孟子以為古者井田方里為井十

六十四井出長轂一乘不合司馬法作於春秋之末其時

方務重賦尚以六十四井出一乘而包以十井出一乘過

矣 而王制鄭注本周官以為周公攝政致太平斥大九州

之界封諸侯大國地方五百里其次侯四百里其次伯三

百里其次子二百里其次男百里方五百里之國提封二

十五萬井方四百里之國提封一十六萬井是大國當出賦二千五百乘次國當出賦一千六百乘皆不啻千乘而千乘之賦計其提封當十萬井以開方法計之大畧地方三百一十六里有奇視伯國稍大何云大國所以然者周官之說兼封域之地計里而爲疆而賦車之制以實耕之田計夫而出乘按周官有上地不易之田百畝中地一易之田二百畝下地再易之田三百畝之差通計其率殆亦三分去一方五百里之國計二十五同周官以方百里爲同也以一同極肥磽之地建國立郊遂餘二十四同三而二則十六同也可出車千六百乘方四百里之國計十六同以一同立郊遂餘十五同三而二則十同也可出車千乘所謂千

乘之國也蓋周制上公惟宋一國他卽有大功如周召及

大公皆僅封侯故千乘卽爲大國也或疑周官以諸公爲言不止一宋公非也

彼所言諸公者兼九命作伯之二大也凡爲大者必先爲侯及其爲大伯爵益以附庸九同故亦方五百里不爲

大伯爵則歸附庸是則周禮言分封之制固詳於孟子而孟於王仍四百里

子言諸侯皆去其籍則得之傳聞以殷末周初之制言之

而非周公之典也春秋之季叔向僂晉革車四千乘以周

制準之當有六十萬井提封近八百里茅夷鴻言邾賦六

百乘以周制準之當有九萬井提封三百里皆兼井使然

抑或增賦益兵如魯作丘甲之比亦不可考

子禽 古人名與字義必相連如賜則字貢商則字夏耕

則字牛參則字車皆是也陳亢字子禽亢蓋通迳迳免迹

也逐兔者躡其迹則得禽矣禽如小禽私之逐禽左之禽獸也非鳥也迹迹之亢音胡郎切其音古郎切者喉也音苦浪切者高極也皆於子禽命字之義無取

北辰 集註云北辰北極天之樞也於義自明小註紛紜乃指爲天樞星誤矣辰者次舍之名辰非星星非辰也北極有所而無其迹可以儀測而不可以象觀與南極對立而爲天旋運之紐以渾天言凡星之屬皆在第八重宿曜天而北極則在第九重宗動天若天樞之爲星乃北斗杓星斗移而杓不動然亦隨斗左旋不能常居其所又紫微垣中有極星者以去極得名極無可見觀象者因此星以髣髴其處此星輪轉於極之四圍非能與極而皆不動

極以其柱天而言樞以其爲運動之主而言辰則以其爲十二舍之中而言也

子奚不爲政 集句言定公初年孔子不仕又云蓋孔子之不仕有難以語或人者意謂定公爲逐其君兄者所立孔子恥爲之臣而託孝友之言以譏之審然則孝友爲借詞而父兄祇爲口實矣後世士大夫不合於時託言歸養乃不誠於君親之大者豈聖人而爲此哉夫子言孝友必有所致其孝友者則此言之發必於母兄尙在時矣定公初年孔子年四十有餘而定公中載孔子出仕以後周流列國更未聞有宅憂之事伯兄早卒故嫁子而孔子爲之主則母兄之喪皆當在昭公之末孝友之言亦豈不言及

而心愴乎抑定公九年孔子爲魯司寇明年相公於夾谷  
豈九年以前爲不孝不友之定公九年以後爲孝友之定  
公乎意此問荅在昭公之世而孝友之論則集註所謂至  
理不外是者誠爲避論勿容他爲之說也

灌 集註誤用灌地降神之文而慶源輔氏盛爲之說徇  
白虎通之失與開元禮酌酒之妄愚已詳辨之於詩稗疏  
矣抑考家禮註引張子曰奠酒奠安置也若言奠贊奠枕  
是也則張子已知程子酒必灌於地之說之非矣乃楊氏  
復又曰家禮初獻取盞祭之茅者代神祭也則說尤支離  
夫家禮之舉盞灌於茅上其所取法則祖白虎通之說以  
擬禘之灌鬯耳今云代神祭則禘之灌鬯亦代神祭乎雖

朱子嘗曰醑酒有兩說一用鬱鬯灌地以降神一以古者飲食必祭神不能自祭故代之乃不知飲食而祭者于豆閒人之祭也不以茅何獨代神祭之用茅也用茅者浴杜預以包茅縮酒誤爲醑酒因雜引以成乎非禮耳蓋降神之說旣窮而又爲代祭之說以文之但因仍流俗而強爲之飾耳不知灌非虛置之筵上乃置之尸前也旣獻之尸則尸舉之尸祭之奚有別降之神而又何代爲之祭邪唯不知裸爲酌鬯初獻之名而灌乃裸字之假借初非灌園之灌諸妄展轉愈入於迷等祖考之靈於圃蔬畦稻唯以張子之言爲破妄之斧博求之詩及周禮以爲論定而反求之爲人子孫者之心謂傾酒於糞壤以事先爲安否則

諸說之謬不攻而退矣

奧竈 五祀夏祭竈竈者火之主人所以養也祀以雞其禮先席於門之奧東面設主於竈陴乃制肺及心肝爲俎奠於主西又設盛於俎南祭黍三祭肺心肝各一祭醴一旣祭徹之更陳鼎俎設饌於筵前迎尸畧如祭宗廟之儀審是則筵在門之奧非室奧也門奧不可單言奧惟室奧乃單言奧又考祀門設主於門左樞祀戶設主於門內之西祀行爲較壤於廟門外之西設主於其上唯祀中霤設主於牖下牖在室西南其下卽奧也是則唯祭中霤設主於奧餘祀皆不於奧設主與席也與其媚奧甯媚竈云者謂家雖主中霤而中霤爲土分王四季不能爲四時之主

故無壘尊不如竈之主火而司養專四時之一爲在時而乘權也味者誤以門奧爲室奧遂謂四時五祀之祭皆先席於奧亦習謬而不覺矣

公冶長 公冶者亦魯公族春秋傳公還及方城季武子取卞使公冶問是已長蓋其孫而以王父之字爲氏也野人語有云長以知鳥語取羊致陷縲紲而復以鳥語告齊師得釋不知其所自起駱賓王詩曰不如黃雀語能雪冶長災妖妄之傳自唐已然周鳥知叶唐韻乎可哂公冶鳥語閔子蘆花說皆猥鄙俗儒因論語有非其罪也及孝哉之歎附會成誣亦可惡也

乘桴浮海

集註曰傷天下之無賢君於義自明惜未言

欲行道於海外遂使俗儒以魯連蹈海管甯渡遼擬之一  
筏之汎豈犯鯨波凌巨洋者乎九夷八狄七戎六蠻謂之  
四海言皆近於海也則沂費之東其南吳越之國皆海也  
夫子此歎傷中國之無賢君欲自日照通安東嶺榆遼吳  
越耳俗傳夫子章甫鳴琴而見越王句踐雖無其事然亦  
自浮海之言啟之程子春秋傳論桓公盟戎之事至以討  
賊望戎何居乎吳越不足用爲善然而難矣子路喜而爲  
好勇之過者謂其急於行道而不憂其難行也

千室之邑 邑有公家之下邑有大夫之采邑下言百乘  
之家則此邑爲公家之下邑矣室者商賈之塵居也因此  
以知朱子所云農民有二畝半之宅在邑者爲非制也

詩詳

種使一夫而一室在邑則千室之邑爲一百二十五井之  
氓六十四井而出一乘計其所出兵賦未滿二乘惡足與  
百乘之家並稱而必冉有始能爲之宰乎蓋農民所征一  
成而出一乘之甲士步卒若車輦馬牛則商賈計廛而授  
賦故國語曰賦里以入而量其有無里廛也是以魯用田  
賦而春秋譏之車輦馬牛爲商賈所出故以千室計之商  
賈之賦所征多寡輕重今雖亡考以此文推之千室之賦  
當與百乘相上下或十室而出車一乘馬四匹牛十二頭  
蓋車可數十年不做而馬牛更有孳息則商賈之歲輸亦  
非過重也

按此條與春秋種  
疏異當以彼說爲是

山節藻稅

禮器稱管仲山節藻稅則不獨臧氏爲然春

秋之大夫僭者類然矣此言居蔡又言山節藻梲自爲兩事非謂以此飾居蔡之室也龜掌之太卜藏之於府雖天子亦不別立宮以處之臧孫雖僭不應剏此且管仲之宮亦豈以處龜乎然則山節藻梲者亦臧氏之宮耳論語鄭注云節栭也刻之爲山梲梁上楹也畫以藻文山節藻梲天子之廟飾皆非文仲所當有之明堂位鄭注畧同此集註之所本也而禮器註乃云士首本大夫達稜諸侯斲而斲之天子加密石焉無畫山藻之禮與此二注特異則豈管仲臧辰之剏爲邪使其剏爲則亦無所於僭而記何以譏其濫乎此自鄭氏前後不照之偶失耳而首本達稜斲礪加密石之差則楹栭之飾非節梲也

左丘明 司馬子長曰左丘失明厥有國語漢書國語左  
邱明著則明卽作春秋傳者而集註云古之聞人蓋謂左  
氏於夫子爲後輩故春秋傳記孔子卒後事夫子所稱道  
以自徵信必先進不空下引當時弟子行之人非也左丘  
明卽爲古人其恥巧詐者非可筆之於書夫子亦何從知  
之如云賜也亦有惡乎以公非必從衆論何嫌取正左丘  
乎

老彭 王弼謂老彭爲二人老老聃彭彭祖乃彭祖他不  
經見唯漢藝文志有彭祖御女術則一淫邪之方士耳集  
註據大戴禮昔商老彭及仲傀政之教大夫官之教士伎  
之教庶人之語謂爲商賢大夫考仲傀卽仲虺萊朱也老

彭在其前皆成湯時人而子曰我老彭親之之詞必覲而相授受者矣按老聃亦曰太史儋聃儋彭音相近古人質樸命名或有音而無字後人傳聞隨以字加之則老彭卽問禮之老子矣禮記稱吾聞諸老聃聃蓋多識前言往行以立教者五千言中稱古不一而曰執古之道以御今之有則其好古而善述可見矣特其志異有偏故莊列之徒得緣飾而爲異端當夫子之時固未汎濫以親相質問而稱道之又何疑焉

司敗 左傳楚子西曰臣歸死於司敗與魏絳請歸死於司寇語意悉同又考陳楚唐皆有司敗而三國之官見於春秋傳者皆無司寇則杜氏以司敗爲司寇無可致疑矣

乎集注之從之也乃或謂自敗曰敗滿遺破人軍曰敗補

反則似敗之為名施於征伐為宜豈司馬之有別名與蓋

舜命皋陶作士而以蠻夷猾夏寇賊姦宄屬之九官別無

典兵者則虞制司馬司寇合為一官陳為虞後修天子之

事守世用虞禮故因之猶宋之有司城一用殷禮而非周

官其楚唐二國則倣陳制耳然以左傳考之楚有司馬始

見於僖二十六年有右司馬始見於襄二年有大司馬見

於襄十五年有左司馬亦始見於襄十五年陳有司馬桓

子見於襄二十五年惟唐小國無考耳則司敗非司馬審

矣蓋敗者毀也寇者害也刑官如秋義殺害故以寇名鄭本

錄曰毀害義近故又以敗名亦猶司馬之別名司武耳鄭氏

論語注則以司敗爲人名齊大夫其說異是疑莫能定也  
誄 集註云誄者哀死而述其行之辭然子路當夫子疾  
病之時而稱哀死之辭雖君子之前可無拘忌然亦大不  
倫矣且誄之言曰禱爾於上下神祇抑於哀死而述行何  
當周禮太祝作六辭以通上下親疏遠近六曰誄鄭司農  
云誄謂積累生時德行以錫之命春秋傳曰孔子卒哀公  
誄之曰閔天不淑不愍遺一老俾屏余一人以在位嬖嬖  
子在疚嗚呼哀哉尼父無自律或曰誄者論語所謂誄曰  
禱爾於上下神祇後鄭仍之明誄有兩種說文謂禱也累  
功德以求福也論語云誦曰禱爾於上下神祇从言喁聲  
字或作譟又誄諡也从言耒聲是誄死之誄作誄禱生之

諷作諷義異字亦異也孔注亦曰諫禱篇名是此諷非諫  
死而為禱生之辭明甚審是則子路稱之亦無嫌矣

三以天下讓 三讓者一辭為世子二辭國三逃之句吳

於義白顯天問吳獲迄古南嶽是止注太伯陰讓避王季

太伯初去周在湖湘之地止衡嶽之下也吳獲者屈子怨

吳語其先祖為臧獲猶後世稱魏虜云迄終也古孰期去

斯得兩男古之言何意吳獲去此南嶽之耳天問又曰孰期去

以叶韻耳兩子男國者謂吳及虞也審是則太伯處南嶽

在古公之世處句吳在王季之世也一辭世子謂古公病

託采藥不反去世子之位也二辭國謂古公躡以盡其因

心之友也鄭氏謂免喪後逃之海濱王季無从蹤跡以盡其因  
與左傳明文相背而以無允嗣而不養仲辭之子以為已  
後是其深思遠防合周嫡在昌天人叶從四海悠悠無復  
纖介疑惑是為集註以三作去聲讀釋為固遜始以一讓  
三讓均有未得

爲禮讓再爲固讓三爲終讓然此古贊見燕饗登降之文  
施之父子兄弟之間與宗社之大事不已謏乎或引漢文  
帝讓三讓再爲比則漢文亦禮讓之文耳今太子嗣立亦  
三進箋而再不允泰伯之讓夫豈其然吳越春秋古公三  
子長曰泰伯次曰仲雍少曰季歷生子昌古公知昌聖欲  
傳國以及昌泰伯仲雍望風知指古公病二人託名采藥  
於衡山遂之荆蠻斷髮文身因其俗爲夷狄之服示不可  
用古公卒泰伯仲雍歸赴喪畢還荆蠻國民君事之自號  
句吳古公病將卒令季歷讓國於泰伯而三讓不受故云  
泰伯三以天下讓審是雖云三讓實一讓也且其事著何  
得云無得而稱況奔喪之說固屬難信劉敞又以王季文

王武王爲三其言曰所謂三以天下讓者言自竄荆吳以讓季歷也所以讓季歷者以季歷有昌也所以貴昌者以昌有發也泰伯見季歷旣仁而文武又聖知天之意大啟周室必有天下故默焉而逃夫泰伯逃而不反安所見武王而知其有天下若謂文武皆繇泰伯之讓而得嗣則有周三十餘世皆泰伯之所讓矣但三哉故諸說皆非

三分天下有其二 集註謂荆梁離豫徐揚熊氏謂徐揚亡考然文王質成虞芮虞今平陽府平陸縣西伯戡黎黎今潞安府黎城縣皆冀州之域是文王已兼有冀土則三分者約畧言之非專言六州明矣九州之域青兗徐豫小離梁荆揚大非可一槩論也若以州論則逸周書言三州

言六州又言九州之侯矣不過謂九州州有服文王者耳  
若九州盡服則不止三分有二矣故六州之說集註雖原  
本於鄭氏亦不可盡泥

子路使門人爲臣 集註以臣爲家臣按家臣之屬有家  
宰有邑宰有家司馬有家宗人有家士但云家臣不知何  
職且此諸臣皆非緣喪而設按周禮司馬太僕之屬有小  
臣四人掌士大夫之弔勞又喪大記云小臣復又云小臣  
楔齒用角柶綴足用燕几又云浴小臣四人抗衾又云小  
臣爪足又云小臣爪手翦須皆與死者親故曰死於臣之  
手然唯諸侯之喪爲然天子則用夏采祭僕大祝小祝若  
大夫士之喪則復用有司楔齒綴足用御者爪掬用外御

賓客哭弔以擯者掌之以本無小臣故也春秋之世大夫而僭侯禮於是乎本無小臣因喪事而立之故曰無臣而爲有臣子路沿俗私置故夫子深斥之若家臣則夫子已爲大夫受田祿於鄒邑固得有之而何以云無臣哉

九夷 周衰典廢小國諸侯介在邊徼憚於盟會征伐之重賦不能備禮自降而從夷則人亦以夷目之而魯東海澆本有夷屬故尙書稱萊夷今登萊地孔子卻萊人曰夷不亂華是已又左傳陳轅濤塗曰覩兵於東夷杜預解曰邾莒徐夷也傳又曰杞成公卒書曰子杞夷也春秋經曰介葛盧來杜預解曰介東夷國也經又曰取根牟杜預解曰根牟東夷國也傳又曰君信蠻夷之訛謂邾莒也詩曰

淮夷來求毛傳曰淮夷東國在淮浦而夷行者也春秋傳  
淮夷病杞故凡此之屬皆謂之夷則九夷者東方九小國  
耳後漢書東夷傳徐戎僭號乃率九夷以伐宗周西至河  
上穆王畏其方熾乃分東方諸侯命徐偃王主之卽目此  
也以其僻小儉鄙降從夷禮故曰陋集註曰東方之夷有  
九種原本馬融論語注而邢氏引後漢書東夷傳畎夷等  
九種釋之彼九夷者在遼東樂浪之間太遠恐非

寢衣 孔注今之被也鄭注今小臥被說文被寢衣長一  
身有半衾大被廣雅寢衣衾鞞被也蓋單薄而小長者爲  
寢衣爲被親身之被也故釋名曰被被也所以被覆人也  
廣厚而短者爲衾冬則覆之被上以爲溫也故釋名曰衾

廣也其下廣大如广受人也惟寢衣爲單薄之被故可長  
一身有半以摺疊覆足而無冗長之累如其爲衣而長過  
於身則臥起兩困矣猝有水火盜賊疾病之暴至其能無  
狼狽顛仆乎如云非常時所衣但爲齊設乃散齊亦有七  
日變起不測故曾子問有當祭而太廟火之禮古人制禮  
必可行而獨於一衣作此迂拙以自困乎且此衣衣之而  
後寢乎寢而後衣之乎寢則必不能衣之衣之則曳地傾  
踣何以就席邪若有此衣真怪服矣是寢衣之爲被必矣  
必有云者謂雖當暑衾可去而被不可去恐其裸露形體  
耳非但爲齊言也次序自當在短右袂之下

食餽而餽 孔注餽餽臭味變雖統言之而固有分餽者

臭變餲者味變皆以經夕熟鬱致將腐敗也臭變者餲腐

葛洪字苑曰饘飯餲臭是也味變者酸惡爾雅曰食饘謂

之餲是也

爾雅之饘如說文魚部鮑饘魚也之饘  
蘊鬱之謂也與論語之饘體用不同

饘从壹

義與噎通黠貌餲从曷義與過通過鬱敗之貌卽字思

義可知已許慎曰饘飯傷溼也呂忱曰饘飯傷熱溼也謂

飯經久鬱熱溼之氣而傷耳集註仍字林之文是已或謂

饘爲飯之初熟過熱而溼氣未斂者非過熱而溼氣未斂

俟之俄頃則熱者清溼者燥何不姑少待之而遽斥之不

食邪許慎又曰饘飯傷熱也此則火齊大過飯焦而臭變

故蒼頡篇饘食臭敗也言飯之臭本香今傷熱而焦是臭

敗也與此傷熱溼者異若漬之過溼蒸之熱爛則爾雅云

搏者謂之糲與米者謂之槩皆所謂失飪不失者也

割不正 集註以爲切肉必方正不知割非切切非割方

非正正非方也古者大鬱載俎食則自斷故曲禮曰濡肉齒決乾肉不齒決非必若後世旣割之復切之令大小稱

口所容能必其方也此割切之別也方者對圓長橢斜纖曲而言也正者正當其處也古之割肉旣皆大鬱而各有

分理骨有貴賤髀不登於正俎膚則取諸左脇登之俎則

有肩有臂有臑有肫有脰有正脊有脰脊有短脅有正脅

有代脅或左或右肺則有離肺有剗肺心舌則去木末皆

所謂割之正也若其廢理之常隨手割斷則非體之正是

曰不正抑或賓如主俎則爲慢主如賓俎則爲汰燕如祭

祭如燕祭燕如常食常食如燕祭皆不正也則皆以失禮而不食矣邢疏云割不正不食者謂折解牲體脊脅臂臠之屬禮有正數若解剖不得其正者則不食也其言遑矣倘必如陸績之母所切四維端勻而後食則離肺之小而長脯之長尺有二寸皆非君子之食矣脊脅之間必求其方將雜用體骨以就之是求方而適得不正也集註以漢後偶余一人切肉之法爲三代割骨之制而未求之禮其失宜矣

不撤葷食 言撤則必旣設之而後撤之也言不撤則必他有所撤而此不撤也按士相見禮夜侍坐視夜膳葷請遠可也註云葷辛物葷亦辛物也則此言燕居講說而卽

席以食者食已飯羹醢載之設皆撤而薑之在豆者獨留  
 倦則食之以卻眠也古之人類然君子亦以為宜不待夜  
 倦欲食辛而更索之集註未悉薑有為藥者湯液家之生  
 常食者也有為味者記曰屑桂與薑焉有酒內必有薑葷  
 之味焉此可食而非以薑為食也此言薑食則蒞藏之可  
 以為常食者也

東首 集註謂受生氣自疾言之非自君視疾言之矣東  
 首首在東也按禮天子適諸侯升自阼階天子主天下諸  
 侯不敢為主也諸侯適其臣亦升自阼階諸侯主其國大  
 夫不敢為主也室之有奧亦猶夫阼則君適其臣臣不敢  
 居奧必矣疾不能興寢於南牖下令君得南而而視之若  
 復西首居然居奧矣且令君入戶時經其足下非敬故必

東首令首戴君致敬存臣禮也

三嗅而作 古無嗅字音許救切者从鼻从臭以鼻就臭也亦通臭此經古本當作艤或臭何氏邢氏解此章固迂拙可笑而晁劉又甚焉晁氏以嗅爲憂謂雉鳴也劉氏以嗅爲臭謂張兩翅也見爾雅爾雅釋獸須屬曰鳥曰臭言鳥之倦息而振其翅也審是則與鳴皆爲閑暇之狀人方拱執雉覺當驚起安能閑暇此卽以物情揣之亦未見其是無已則以說文之臭犬視兒通之鳥而以爲驚而左右顧頗協物之情態然其立義之迂拙仍不免也考荀子禮論曰三臭之不食也史記引作三脩則脩臭古字蓋通夫子歎山禽之舉集得時隱以譬君子之去留知幾蓋夫

子周流列國託於君及士大夫有所爲而言子路聞言卽  
悟促爲夫子供張作食夫子喜子路之解己意爲之三侑  
成禮不待飽而與子路同去記者以此明夫子之可以速  
則速而子路得與之也如此則語有關係而無迂拙之病  
長府 集註云藏貨財曰府信然則府積敝而改爲之亦  
奚不可而必仍其舊哉若謂別作一府以斂財多積則魯  
於是時四分公室民食於家亦惡從得貨財而多積之如  
後世瓊林左椿之厚儲以供君用也按春秋新延廢穀梁  
傳曰其言新有故也公羊傳曰新延廢者何修舊也新作  
南門穀梁傳曰作爲也有加其度也言新有故也非作也  
又新作雉門及兩觀穀梁傳曰言新有舊也作爲也有加

其度也審是則修舊曰新有加其度曰作曰爲度者王者  
之法制也有加其度則僭擬矣故曰作曰爲皆臣子不忍  
斥君父之僭擬而諱之之辭也記者曰爲閔子曰何必改  
作則魯人僭爲王者之府明矣言魯人則見非魯君之意  
而魯之士大夫愆愆之又明矣閔子諫以仍舊貫欲魯人  
之以善導君而修舊耳公羊傳曰修舊不書春秋無作長  
府之文蓋从閔子之諫而僅修舊耳閔子一言而有數善  
故夫子亟稱之

有社稷焉 天子爲天下立社曰大社自立社曰王社諸  
侯爲百姓立社曰國社自立社曰侯社皆與稷同宮而別  
壇大夫士食於君義無私報以有稼穡之事焉故得有社

祭法曰大夫成羣立社曰置社月令曰擇元日命民社是也然大夫言社而不言稷則有社而無稷矣稷之神爲厲山氏爲周祖棄大夫卑不敢與爲禮也費之有社稷僭也古者有分土無分民大夫且不得有民人而況社稷乎子路習於僭而不知故夫子重斥之

浴乎沂 或問漢志三月上巳祓除官民潔於東流水上而蔡邕引此爲證是也韓愈李翱疑裸身出浴之非禮而改浴爲浴不察此耳不知改浴爲浴者乃王充之定論非退之筆解之剏說也莫春非必上巳之期潔身亦非有周之禮束皙引周公營雒之事以徵上巳之禮其詩曰羽觴隨波流但言飲未言浴也浴者殆潛消秉蘭之淫風耳莫

春之初正寒食風雨之候北方冰凍初釋安能就水中而裸戲或謂沂有溫泉而褻衣於未浴之先拭體於出浴之際風寒慘肌亦非人所可堪也且溫泉必出山谷石礪之中其下有硫黃礬石水之平流者不得有之朱子引地志以爲沂有溫泉焉者乃出自泰山蓋縣之沂水東南逕齊莒之境南至下邳入泗者也水經注言彼沂水至陽都縣南合溫水上承溫泉陂西南入沂水則溫沂之合在今沂州境內去魯數百里而遙曾皙何事跋涉以往浴乎此之沂水與彼沂水名同實異出魯城東南尼上山平地發泉繞魯城東門北對雩門門南隔水有雩壇鄭道元云卽曾點所欲風舞處也稍西卽與泗水合於魯城西南兩沂水

相處懸絕惡得以齊地溫泉之沂爲魯舞雩側右之流乎  
此尤朱子之未悉也

徹 集註之言徹法在論語則以爲同溝共井之人通力  
合作計畝均分在孟子前則以鄉遂用貢法都鄙用助法  
耕則通力而作收則計畝而分故謂之徹後則以爲九一  
而助爲公田而行助法也什而自賦其一用貢法也周所  
謂徹法蓋如此集註之自相牴牾唯此最爲可訝意朱子  
必有成論而集註未及改定也以實求之則孟子集註之  
後說較長而論語註合作均收之說則事理之所必無者  
也後世而欲知三代之制既經秦火已無可考若周之徹  
法自論語孟子二經而外他不多見要與貢助同言賦稅

之法非言民間之農政也作之與收無與於賦稅民自耕而自入原不待於君之區畫君而強爲之制祇以亂民之心目民亦未有能從者也以周禮考之遂人則曰以興勸利毗杜子春讀耒爲助謂起人民令相佐助是明各治其田而時有早遲力有盈縮故令彼此易工以相佐助也遂師則曰巡其稼穡而移用其民以救其時事是亦各治其田唯有水旱之急則移易民力以相救也里宰則曰以歲時合耦於耒以治稼穡緣北方土燥水深耒耜重大必須兩人合耦而後可耕本家不足則與鄰近相得者爲耦彼此互耕然偶止兩人不及八家而唯耕有耦播獲芸穫固不爾也故詩言侯疆侯以緣一夫自耕之不給故須疆以

相佐如通八家以合作則乘時有人亦無資於疆以矣此  
耕不合作之明徵也抑遂人掌治野之事夫閒有遂遂上  
有徑十夫有溝溝上有畛藉令同溝之夫共耕十畝而田  
無適主則千畝猶百畝十家猶一家遂與徑又何用曲分  
町疇乎夫井之閒亦有溝遂共井之云失亦同此故以周  
禮周頌參訂求實知十夫八家之自耕其夫田而無通力  
合作之事矣乃抑以事理推之亦有必不然者人之有強  
羸之不齊勤惰之不等愿詐之不一天定之矣雖聖人在  
上亦惡能取而壹之乎如使聖人能使其民人已心力之  
大同而無閒則竝此井田疆界可以不設而任其交相養  
矣王者制法經久行遠必下取姦頑疲懦不齊之數而使

之自激於不容己以厚生興行未有違以君子長者之行  
聖愚氓而冀後世子孫皆比屋可封之俗也今使通力合  
作則惰者得以因人而成事計畝均收則姦者得以欺冒  
而多取究不至於彼此相推田卒污萊虞詐相仍鬪訟蠶  
起而不止立法之不臧未有如此之甚者也且一夫之田  
雖曰百畝而一易再易迭相倍加百畝之田雖曰一夫而  
老幼婦子多寡不齊十六而爲餘夫未十六以前未嘗不  
可任穡事也今使一夫之家老幼食者八九人而可勝耕  
者一人而已又一夫之家食者四五人而可耕者二三人  
自合作者言之則必計畝出夫而人少者不足人衆者有  
餘自均收言之則但因畝以分而此有餘彼且不飽使耕

盡人力而收必計口則彼爲此耕而此受彼養恐一父之子不能得此而況悠悠之鄰里乎孟子言百畝之糞上農夫食九人乃至下食五人則強弱勤惰之不同而食者多佐耕者衆則所獲亦必豐也令通八家而合爲一上農亦此耕下農亦此耕也何所分五等之上下而上農亦此收下農亦此收也又何有九八七六五人之異哉則合作均收事所必無理所必不可亦不待辨而自明矣故鄭氏考工記注云以載師職及司馬法論之周制畿內用夏之貢法稅夫無公田以詩春秋論語孟子論之周制邦國用殷之助法制公田不稅夫又曰諸侯謂之徹者通其率以什一爲正孟子云野九夫而稅一國中什一是邦國亦異外

內之法耳尋鄭意蓋以畿內與邦國皆內貢外助此處鄭未言畿

內之郡鄙用助之法貢助之名有九一什一之別其實則通

內外皆什外稅一是通法也故論語注曰徹通也為天下

之通法後漢書陸康傳曰夫什一而稅周謂之徹徹者通也言其法度可通萬世而行也以徹為通萬世是

徹為空名與貢助不類不如詩箋曰什一而稅謂之徹鄭通內外通天下之為確也詩箋曰什一而稅謂之徹毛

徹治也則以徹田為糧是治其田上下之率以為之糧仍

是夏之貢法蓋以公劉本夏諸侯故不以此徹為周家之

徹法於則孟子集注後說確有所本而論語注則朱子以

意推測見為盛世大同之風而喜其說之矜異不能自廢

而成乎盤蹠者也朱子嘗論耕則通力而作收則計畝而

通徹而耕之說推之耳但或耕則通力而耕收則各得其

畝亦未可知也詳是則合作均分之非定說密矣但四書

集注再見詩集傳又見易使人疑或故具辨之趙氏孟子

取其一十畝爲賦也義亦通要之無合作均分之說要之人各自制其田而自收之此自有粒食以來上通千古下通萬年必不容以私意矯拂之者而徹者賦法也非農政也亦不可混而無別矣

稟盪舟 集註陸地行舟之說蓋自古相傳之譌也行舟於水者非力能運之水本流動舟寓於上浮泛而無畱勢故一夫之力徑寸之楫可轉萬斛之艦因其便也陸地澀滯物居其上則止推移之者必自外旁撼足趾撐地而後得施其力今以一人立於方尺木板之上而以蒿楫撐之力盡篙折未有毫釐移動之理舟雖至輕視方尺之板猶數百倍也稟力卽百倍於人至無所施力之處亦將何以措手足乎凡人之力皆生於足扛鼎曳牛必堅立而後得

勝足力愈猛則足之所履愈堅是將百冢千冢徒增舟勢之安耳接盪者搖也搖盪以行也初未嘗有在陸曰盪在水則否之辨盪舟何知在陸春秋傳齊侯與蔡姬乘舟于囿盪公亦謂水中盪搖也然此所云盪舟又異考盪有盪除之義故後世將軍有盪寇之號晉隴上歌有十盪十決無當前隨童謠有提刀向前盪之語是已字亦通湯謚法除殘去虐曰湯言盪除殘虐之人也審是則盪舟云者謂能乘舟水戰以盪除人之舟也古有陸兵無水師黃帝阪泉后啟甘扈皆平地決戰也羿助羿爲亂肆暴於東海之濱始作水戰以殘過戈困鄩灌是盪舟之義甚爲明著陸地之云旣事理所無其爲怪妄與羿射九日等注聖人之

言者所必芟也若書云罔水行舟者則謂雖非名川經過之地猶必穿引溝澗以爲行舟之樂荒縱不恤民也

溝瀆之中 自經者必有所縣水中無可縣之物安容引

吭且注谷曰溝注溝曰澮注澮曰瀆則溝瀆者川谷之細

雖未澁漾無涯亦已通流不絕欲就水際求死胡弗自沈

而猶須縊也按史記遂殺子糾於筮瀆集解賈逵曰魯地

句瀆索隱按鄒誕生本作莘瀆莘筮聲相近又引論語此

文以證之瀆本音竇故左傳又謂之筮竇然則溝瀆乃地

名也云之中者猶言之閒也又春秋桓公十二年公及宋

燕盟於穀丘而左傳言盟於句瀆之丘句古侯切與溝通

蓋莘瀆筮瀆生竇句瀆一地四名轉讀相亂竇穀丘耳杜

預謂穀丘宋地亦無所徵襄公二十一年齊執公子買於

句瀆之丘則句瀆實在齊魯之間故時屬齊時屬魯也

句瀆之雙聲疊韻則穀丘之穀宜讀去聲

諒陰 集註未詳其義蔡仲覺曰喪服四制高宗諒陰三

年鄭注云諒古作梁楣謂之梁閣讀如鶉鷓之鷓閣謂廬

也即倚廬之廬儀禮翦屏拄楣鄭氏謂拄楣所謂梁閣是

也書云王宅憂諒陰言居喪於梁閣也按諒陰之義先人

得於先師晚年而命者如此審是則朱子晚年定從鄭義

明矣而小注尚仍孔氏馬氏諒信也陰默也之說又附會

恭默思道徒見穿鑿梁閣之制蓋以一梁支脊而無楹柱

茅垂於地從旁出入今陶人窰廠軍中窩蓬似之

釋名州園屋曰

蒲蒲敷也總其上而敷下也又謂之菴闔卽今之菴字爲菴奄也所以自覆奄也菴制卽此可思闔卽今之菴字爲浮屠室之名以其簷垂地而無牖故謂之闔以其艸覆拊而不設棟宇故謂之菴其實一耳其處則在中門之外外門之內東牆之東其戶北向悉與倚廬同也亦君大夫士所同非獨天子名梁闔云或疑梁闔之前有倚廬後有墜室不可以梁闔該三年仍申孔馬信默之說不知古人立文省便之法適足取笑耳

鄭聲 集註謂是鄭國之音或問以爲衛詩三十九淫奔之詩纔四之一鄭詩四十一淫奔之詩已不啻七之五鄭聲之淫甚於衛矣夫子獨以鄭聲爲戒而不及衛舉重而言也朱子舉叔段忽突及憂亂刺學校之詩槩指之爲淫

而盡廢古序故淫詩獨多然非實也考鄭之爲國在離州  
之域今漢中之南鄭也桓公謀遷於號檜之墟而復蒙鄭  
號然則風氣之淫者故鄭乎新鄭乎衛居沫土濱河沃衍  
有紂之遺風是故桑閒濮上靡靡之音以作離州水土重  
厚周之故壤檜地狹而多憂有宗周之感旣皆民無淫習  
桓武莊厲亟戰貪利其叔內訌五子交爭晉楚尋兵辛苦  
墊隘淫聲其暇作乎按雅正也淫過也左氏說煩手淫聲  
謂之鄭聲者言煩手躑躅使淫過矣見五經異義桓君山鼓琴  
爲繁聲於光武之前宋仲子讓其數進鄭聲君山所鼓非  
必褻裳溱洧之辭則鄭聲非鄭國之音明甚故包注但曰  
淫聲之哀者而不言鄭益也

匏瓜 集註謂匏瓜繫於一處而不能飲食使然則艸木之屬誰能飲食者殆不成語或引俗言無口瓠以證之無口瓠自宋人里巷猥語見李沆傳謂瓠未刳口不堪盛物囷圖圓轉而已非謂瓠之本無口也瓠之與匏一物而異名當其生嫩可食則謂之瓠及其畜之爲笙瓢杓壺之用皮堅瓢腐而不可食矣則謂之匏繫者謂其畜而繫之於蔓也不食者人不食之也故引以喻其徒老而不適於用也鄭注我非匏瓠焉能繫而不食者冀往仕而得祿何注言匏瓜得繫一處者不食故也吾自食物東西南北不得如不食之物繫滯一處古人釋此文義自明勿容支離作解

五穀不分。集註謂猶言不辨菽麥。按不辨菽麥以譏童昏之尤者。五穀之形狀各殊。豈待動四體以耕者而後辨哉。分者細別其種也。均此一穀而種自不等。宜遲宜早。宜燥宜溼。宜肥宜瘠。各有材性。農人必詳審而謹記之。不尔則早遲同。畝刈穫難施。燥種入溼。其稼不實。溼種入燥。小早即槁。肥種入瘠。結實無幾。瘠種入肥。葉豐穗萎。故非老農不能區別。以因土宜也。但云不辨菽麥。正復爲丈人嗤耳。包注曰。不分植五穀得之。

區以別矣。集註云。區猶類也。馮氏曰。區。丘域也。按汜勝之農書有區田法。謂區隴而種。非纒田也。農家言又有芋區。卽此區字之義。蓋此艸木者。亦言穀疏果蔬良材之在。

田圃者非謂山林之雜木野卉也同一美種而彼區早種則已豐茂此區晚莳方事萌芽故既區分而種莳物之生機遂因以別爲之圃者安可以灌溉培植豐茂之法施之於萌芽者乎審是則厚齋之以區爲丘域得之如以艸木之類各有大小高卑則類一定而不可易將聖人必不須下學而小子終不可學聖乎觀其所譬而義自見矣

子小子履 集註履蓋湯名本之孔注邢疏案世本謂湯名天乙又推孔意以爲湯本名天乙至爲王改名履白虎通則謂殷家質故直以生日名子湯生於夏世本名履後乃更變名乙爲子孫法凡此皆牽強附會之說無足信者湯之先代有報丙報壬之屬是當夏世而有甲乙之稱非

變名從質矣紂名受微子名啟竹書紀年太甲名至沃丁  
名絢商人自別有名又非因爲王而改名屢矣其以十幹  
紀名者猶秦之稱二世三世今人之有行耳商自立國以  
來君皆有號有天下而不改天乙者號也屢者名也非湯  
有兩名審矣

七世孫世全半溪謹刊

四書稗疏卷一終